

sonè, et fece una mostra zeneral, et de quelle trasse de la miglior zente de la sua Porta, spachi et selitari et altri da cavallo da cavali 4000, et con loro conducevano some da 60 in 80 mila de farine, formenti, orzi et altre vituarie per meterle in quelli castelli, dove se ritrova el miracur in guarda de quelli lochi; et se giudica che 'l magnifico Peri bassà andarà fin li.

331* Se diceva *etiam* che 'l ne era qualche pratica di pace, tuttavolta dando el Sophi suo fiolo per ostazo; se diceva *etiam* che el Sophi era potente et ben in ordine.

Circa quanto fo ditto per avanti che 'l Signor turco aveva mandato uno suo zaus al Sophi, non fu vero, ma lo mandò altrove per intender li andamenti del Sophi.

Item, che 'l Signor turco aveva mandato de li l'ambasador dil Sophi, el qual era stà messo in li do castelli de Mar mazor in compagnia de li altri.

Che 'l Signor turco aveva mandato al magnifico Peri bassà a meter in ordine tutti quelli lochi del Signor a li confini dil signor Sophi, con tractazion de pace over acordo.

Circa la persona dil Signor, se diceva che 'l calca una mula gagliarda et caminava forte, et dicevasi el veneria a la volta de Audernopoli, et che 'l passeria da Galipoli, et che 'l se expectava fra zorni sei: se dice che 'l vien con persone 10 mila; el resto che è el belarbei de Grecia et de la Natolia, sono restati a quelli confini.

Che l'agà di janizari se aspectava in quel zorno di 20 Zugno, over el zorno seguente, li a Constantinopoli *cum* janizari 2000, et el resto de janizari era sopra la Natolia, partiti tra el Cayro, la Soria et el paese dil Sophi.

Che quel magnifico capitano aveva facto gran pressa de armar galie et fuste per andar a levar la excelentia dil Signor ad un loco ditto la Lengua, il che dimostra Sua Excelentia voler vegnir a Constantinopoli; et che esso magnifico capitano andava in persona, et aveva voluto che 'l Baylo de' venetiani armi do fuste de i so homeni, et cussi era stà ordinato far.

Che la excelentia dil Signor, el qual se atrovava gran thesauro de quelle monede de Soria, per esser tutte falsificate, ha voluto trovar modo de cambiarle, et ha facto comprar tutte le sede se atrovava in la Soria, specie et molte altre cosse, et tutte fa condur in Bursa e de li in Constantinopoli, e smaltirle in quelli lochi.

Avisi auti di le cose dil Signor turco, per letere di Corfù di 21 Zugno et primo de Luio. 332

Come se aveva inteso, per via certa, el Signor turco esser zonto a Constantinopoli con la sua Porta solamente, che sono da persone 24 mila; el qual Signor *immediate* avea mandato parte de le robe et cose del suo seraglio et de le sue damisele in Audernopoli, dove dovea andar *etiam* la persona sua *cum* la predita Porta.

Che in Aleppo avea lassato il magnifico Peri bassà capitano zeneral de tute le sue zente, et miracur bassà apresso. Non se sapeva se 'l era per causa de pace seguita *cum* el Sophi, opur per la morte de esso Sophi come fu ditto, perchè se diceva in varii modi.

Che 'l se diceva che l'havea ordinà al fiol suo, che era in Audernopoli, che andasse al suo sanzachà.

Item, che 'l se intendeva *etiam* per altre vie, che 'l Signor turco era zonto in Audernopoli, e de più che 'l se conzava l'armata, et che era venuto comandamento che tutti li homeni d' arme scripti per l'armada, da la Tricala in suso, a mezo el mese de Lujo dovesseno esser a Constantinopoli.

Item, che se diceva et giudicava, per tutti, la venuta dil Signor et preparation de armata non esser per altro, salvo per le gran parole resonano de la unìon fata fra cristiani a danno et ruina de ditto Signor turco; de la qual union et pace tra principi cristiani a ruina de loro turchi, ne era stà fata publication in Rodi, con parole ignominiose verso la persona dil prefato Signor turco.

Item, che per molti homeni *fide digni* venuti de la Romania li a Corphù, se intendeva el Signor turco aver posta una angaria nova de aspri diece per testa per tuto el suo paese, oltre el carazo consueto, i qual se scoderiano avanti el carazo, et dicevano tal danari esser stà deputati per far uno seraglio a la Valona per el Signor turco et sua Porta.

Item, che erano stà comandati homeni 4000 per far far salnitrio li in terraferma, sopra Corphù una zornata.

Item, che *cum* gran presteza se faceva tibir li 332* formenti per tutto el paese dil Signor turco, si a quelle marine come fra terra, perchè si expectava nel paese el flumbulo de Salonicchi con molta zente che se diceva venir per distruzer tutti li albanesi che sono a quele marine.